

乾龍頤

菴

道洲居

士

稿集集




● ● ●

●

● ● ●

●

● ● ●



頤菴居士集

劉應時撰

中華書局

叢書集成初編

乾道稿（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

此據知不足齋叢
書本排印初編各
叢書僅有此本

文章之妙。在有自得處。而詩其尤者也。此一法。雖窮工極思。直可欺不知者。有識者一觀。百敗竝出矣。四明劉良佐先生。盡力於詩。惟石湖范至能獨深賞之。每爲客言。客未必領也。予曩時數遊四明。獨不識良佐。近乃見其詩百篇。卓然自得者。何其多也。如頗識造物意。長容吾輩閒。日晏猶便睡。犬鳴知有人。世事不復問。舊書時一看。一夜催花雨。數家鄰水村。青山空解供。望眼濁酒不能澆。別愁。覓句忍飢貧。亦樂鈔書得味老何傷。雖前輩以詩得名者。何以加焉。因書其右。他日有賞音如石湖者。當知予言不妄云。

慶元六年四月己亥。山陰陸游序。

夫詩何爲者也。尙其辭而已矣。曰善詩者去辭。然則尙其意而已矣。曰善詩者去意。然則去辭去意。詩安在乎。曰去辭去意。而詩有在矣。然則詩果焉在。曰嘗食夫飴與茶乎。人孰不飴之嗜也。初而甘。卒而酸。至於茶也。人皆病其苦也。然苦未免而不勝其甘。詩亦如是而已矣。昔者暴公譖蘇公。而蘇公刺之。今求其詩。無刺之之辭。亦不見刺之之意也。乃曰二人從行。誰爲此禍。使暴公聞之。未嘗指我也。然非我其誰哉。外不敢怒。而其中愧死矣。三百篇之後。此味絕矣。惟晚唐諸子差近之。寄邊衣曰。寄到玉關應萬里。戍人猶在玉關西。弔戰場曰。可憐無定河邊骨。猶是深閨夢裏人。折楊柳曰。羌笛何須怨楊柳。春光不度玉門關。三百篇之遺味。黯然猶存也。近世惟半山老人得之。予不足以知之。予敢言之哉。今四明劉君叔向。寄其父頤菴居士詩藁。命予爲之序。放翁陸務觀。既摘其佳句序矣。予尙何言哉。偶披卷讀至寂寞黃昏。愁弔影。雪窗怕上短檠燈。又獨與梅花共過冬。淡月故移疎影去。又睡魔正與詩魔戰。牕外一聲婆餅焦。使

時諸子與半山老人見之。當復一笑曰。君處北海。吾處南海。不虞君之涉吾地也。何故。居士名應時。字良佐。

嘉泰元祀六月戊戌。廬陵楊萬里序。

頤菴居士集卷上

投魏先輩二首

宋 四明劉應時良佐撰

長驅決文陣。眇古百戰場。朔風吹梅花。寒日淡無光。一將功業成。千屯草木香。高談靜寰宇。袖手歸巖廊。纍纍腰下印。奕奕眉間黃。霖雨四海心。鼎鼎衆口嘗。園林多勝事。豈久居其旁。縱令猿鶴怨。出處庸何傷。跼跼飛鳶墜。瀝瀝風瓢聲。青冥不折桂。瀾阿甘采苓。跟蹤憶束髮。忽焉迫衰齡。嚼蠟心忘味。胡爲羨久生。藹藹春空雲。聚散無根蒂。縱得屠龍術。孰爲苞桑計。稽首問彌伽。輪宇煩舉似。

次韻聞人參議來賢巖

僊事不可考。靈蹤闕幽微。我懷采芝人。寤寐心目怡。松陰月華冷。竹露晨光晞。福地萃七賢。語屑落霏霏。鳳鳴悵莫聞。鶴駕邈難追。斲石出秀句。神物尙憑依。眷茲元雲英。挺然柱石姿。孰能轡萬牛。挽此歲寒枝。臧孫信有後。深慰魯人思。

寄張武子

霽月耿東南。流光淨如洗。幽人懷夜光。掬水弄清泚。春雲多態度。蒸縕出山籠。舒卷無定蹤。形容勞遠目。可人古錦囊。多乎斯二者。造物發天藏。筆端妙陶冶。我具擇法眼。僅得窺一斑。恨無餐玉法。謾入藍田山。

別來歲月換。條如鷺鳥過。升沈不足數。交誼果如何。夜聽淅露氣。策策秋聲高。假寐發永歎。念遠心忉忉。

辛亥季冬雪中作

凍雲橫山風卷沙。槎牙古木鳴寒鴉。長空黯淡常如晚。煙景淒迷亦自佳。開窗未及一食頃。翦水俄飛六出花。須臾勢欲傾天地。粲然枯卉皆瑤葩。江村景物堪入畫。漁翁蕩槳依枯葭。重裘肥馬誰氏子。銀鞍蹀躞山路斜。矚儒事業政不惡。擁書至樂何以加。團圓共向檣櫓火。溫然春意生吾家。不能半夜縛元濟。亦懶扁舟泛若耶。灑窗入竹有餘韻。頓覺詩興清無涯。

讀放翁劍南集

少陵先生赴奉天。烏帽麻鞋見天子。乾坤瘡痍寒日慘。人煙蕭瑟胡塵起。八月之吉風淒然。北征徒步走三川。夜經戰場霜月冷。纍纍白骨生蒼煙。五載棲棲客蜀郡。騎驢日候平安信。喜聞諸將收山東。拭淚一望長安近。瞿唐想見放船時。回首夔府多愁思。蜀人至今亦好事。翠珉盛刻草堂詩。放翁前身少陵老。胸中如覺天地小。平生一飯不忘君。危言曾把姦雄掃。公以刪定官輪對論楊和王事周流斯世轍已環。一笑又入劍南山。酒杯吸盡錦屏秀。孤劍聲鏘峽水寒。萬丈虹霓蟠肺腑。射虎脰鯨時一吐。我雖老眼向昏花。夜窗吟哦雜風雨。少陵閒關兵亂中。放翁遭時樂日豐。飽參要具正法眼。切忌錯下將毋同。茶山夜半傳機要。斷非口耳得其妙。君不見塔主不識古雲門。異時衣鉢還渠紹。

次韻李仲南木犀

幽人何所爲。兀然坐詩窮。萬事不復理。吟哦四壁空。少俾從西來。天宇淒其風。羣芳漸搖落。桂子開牆東。寒蟾駕壁月。老翠高秦峯。景物爾獨勝。色香誰與同。豈藉紅裳女。徒費丹砂工。不受黃金恩。桃李誰爭雄。風漪卷輕碧。斷霞曳微紅。清風襲衣袖。薄采喧兒童。童孫亦好事。乘興賞珍叢。笑掬黃金葉。繡綴光玲瓏。山村酒可芻。恍如入新豐。胡不抱琴去。一飲醉其中。靈濕月華冷。風約零雨濛。靜言參鼻觀。身在廣寒宮。

感事贈周子壽二首

毛遂處趙庭。囊穎初不起。昭君在匈奴。畫工一夕死。取士無取名。名下非眞士。哀絃有餘音。爲君聊洗耳。丹丘有鸞鳳。天朝思羽儀。祥風挽不前。蕭韶將致之。我生幸良覲。九苞容一窺。矯首望阿閣。自笑檜榆卑。

史太師病愈未果走賀誕辰伊邇作古詩三首寄之

眞隱出人間。了此一大事。堯舜既授受。邊障息烽燧。袖手辭鈞衡。澹然不色喜。高臥北山雲。戲掬西湖水。眞隱愛西湖。居然來卜宅。春波自溶溶。秋林何策策。密邇城市居。竟與羣塵隔。開窗放月入。好句來几席。眞隱道骨堅。能禦陰陽寇。不藉盧扁術。自得喬松壽。香馥東籬菊。樽餘北海酒。裁詩千百篇。年年登衰綽。

讀漢史

彭蠡萬頃波。背江八月濤。所蓄蓋有素。未流故滔滔。君子貴養源。毋事駕說勞。漢祖過百人。心動疑貫高。田孟天下士。其忍負趙敖。處死且不難。視身如鴻毛。髡鉗吾何畏。義命豈忍逃。乘輿忽至止。輿運有所遭。俛首與之語。議論誠英豪。回視漢廷臣。誰能出爾曹。卽日拜守相。泥塗升九臯。大閑不可踰。四維在所操。

我觀忠義傳，榮於華袞。置君如弈棋，百歲猶腥臊。

和史魏公酬北山壽老

黃髮了國事，歸來雙頰紅。園林白日靜，樂事何豐融。更許柏庭友，來依春桂叢。境勝香山遠，辭高支遁同。春茲達尊地，綽有古人風。梅林洗煩暑，霽色摩蒼空。煙霞琢秀句，咀嚼味無窮。徒紀盛山燕，未羨昌黎公。

冬夜

濁酒有真味，軟火如春和。跼居身懶動，卒歲養微疴。世境淡無染，心源湛不波。舍爾短檠樂，如此良夜何。

山行

春光淡心目，乘興聊躋攀。頗識造物意，長容我輩閒。橫拖拄杖去，笑折梅花還。彼哉鐘鼎樂，不在山林間。

幽居

煙重柳腰困，雨肥梅臉腴。夜隱無鎖鑰，晨起濕衣巾。日晏猶使睡，大鳴知有人。西家新釀熟，祀竈請比鄰。

江村

前山疑抹黛，多稼欲成鰲。水滿蛙登岸，橋危馬蹙蹄。風高帆腹壯，雨霽月眉低。杖屨投村舍，兒童指舊題。

春暮

愁裏青春去，年來白髮加。細書欺老眼，軟飯惱衰牙。寧夢穴中蟻，不疑杯裏蛇。南窗時隱几，一縷篆煙斜。

獨飯

雲破日將西。村深鷄自啼。接船傍林樾。獨飯寓招提。山柿淡無味。園蔬嫩可封。滿抄雲子白。心事愧鋤犁。

舟行

小艇出前浦。槐陰覆小橋。雲垂疑有雨。水穩不通潮。山色綠自足。汀花細可描。枕書篷底臥。欸乃認歸樵。

別李簿

執手江亭晚。回瞻澗谷深。碧山銜落照。煙樹鎖愁心。空鑄黃金汨。誰知白雪音。殷勤囑魚鴈。他日莫浮沈。

入夜

入夜雨聲細。小窗燈影寒。僻居成懶惰。飽食幸平安。時事不復問。舊書時一看。欣然會心處。香燼一爐殘。

旅舍

草市欲黃昏。吾行恰到門。僕夫思憩息。燈火喜溫存。一夜催花雨。數家臨水村。征途雖得句。默坐與誰論。

耳聾

嘆昔英豪氣。俄成一老翁。近年頭盡白。今日耳尤聾。品位無丞職。是非隨曉風。難陀能反聽。稍境已消融。

生日

屏迹衡門下。衰遲愧始生。兒曹於此夕。杯酒致歡情。來日苦無幾。餘生累漸輕。樂親惟養志。外物本非榮。

登樓

圖書聚東墀。星斗下西樓。滿座襟懷爽。一輪風露秋。雲山遺古意。江漢洗詩愁。更欲騎黃鶴。相隨汗漫游。

山居三首

行年當耳順。涉世尙心勞。倦矣歸三徑。幡然愧二毛。留詩羞茗供。爲客釀松醪。晚照橫籬落。呼兒課楚騷。小小園林畔。蕭蕭叢薄間。茅簷頗幽隱。竹徑自回環。犬吠溪頭客。日銜窗外山。遺編淡相對。身世覺高閒。雨濕茅茨暗。日長天氣溫。心閒忘物累。足懶出柴門。風靜雲收腳。山高月露痕。兒童展編簡。燈火又黃昏。

辛亥長至後二首

老去驚時序。冬溫少沍陰。心閒知物理。陽復見天心。聖主成郊禮。寰區迓德音。病夫思贊善。擁褐發長吟。遙想清臺上。已書雲物祥。自慚身老大。漸喜日舒長。芹泮三益友。芸窗一炷香。此間無俗物。貧病亦何傷。

頤菴居士集卷下

秋夜書懷

金行肅物歲功成。銀漢西斜夜氣清。淡月似爲吾輩款。短檠深見古人情。候蟲促織巧能語。露葉墮林微有聲。自笑何爲法天運。祇將心事卜前程。

杜宇

花殘葉密過芳春。江北江南煙水昏。何處飛來惱歸客。小窗夢破正消魂。月明聲在溪橋側。雨後人行綠樹村。啼得崔郎腸欲斷。桃花顏色恨何存。

酬平上人

比隣鷄犬寂無聞。煙際微風起夕曛。腸斷梅飄千樹玉。眼寒麥浪一溪雲。拙於生計無如我。老矣情親獨有君。佇立茅簷搔一搔。首扶春夢月與誰分。平有夢月扶春二事。

夜坐有感

躬耕谷口未爲貧。安得生涯似子真。平日固知窮有鬼。年來更覺老欺人。短檠頗怯蠅頭字。蠹簡時揩鼠迹塵。兒女豈知黃卷樂。苦嫌無補費精神。

喜會故人

運道相逢不作難。地爐握手話悲歡。朝廷已重相如賦。朋舊猶嗟范叔寒。翳翳秋花多勝韻。纍纍霜實尙微酸。小春天氣能來否。同訪山家苜蓿盤。

遣懷

自笑平居氣吐霓。桑榆暮景轉淒迷。縱云舉世無青眼。敢忘終身誦白珪。風藥弄香依水出。凍雲銜雪壓簷低。兒童不識人懷抱。苦傍寒窗讀鳳兮。

送張尉至丈亭

丈亭亭前暫驪舟。寒濤拍岸江煙收。青山空解供望眼。濁酒不能澆別愁。春到疎籬梅蘂破。帆歸別浦浪花浮。分攜情緒翦不斷。有愧悠悠波上鷗。

過田家

鳩鳴桑樹雨還來。且得農夫笑口開。雖曰田疇多再植。定須天氣作重梅。江魚欲買全無鱖。社酒堪簞旋醖醅。更遣兒童炊麥飯。殷勤相勸且徘徊。

次韻范至能尋梅

藜杖扶人趁雪乾。玉虹倒影落前灘。竹籬短短溪頭路。雲木荒荒日暮寒。每愧清香留我住。苦無佳句與人看。孤吟不肯空歸去。霜月侵衣興未闌。

喜兒輩歸寧

凜凜寒威欲挾綿。稜稜病骨只忻眠。燈花璀璨人歸後。雲色蒼茫雪作天。百歲光陰寧有幾。四時飲啄且隨緣。攤爐莫厭團樂。節物蟬燦又一年。

春晴

簾幙低垂清晝長。弄晴梅柳拂鄰牆。春光潑眼何明媚。幽鳥窺人自發揚。覓句忍飢貧亦樂。鈔書得味老何傷。舍南舍北無人到。閉閣時焚一炷香。

病中偶書

老來嬾與俗浮沈。何況厭厭病日侵。身外閒愁總餘事。世間無藥勝安心。雨餘秋色淒然冷。風弄晚雲晴復陰。習氣難除還自笑。小窗時有短長吟。

聞范至能句祠二首

自是清都紫府人。偶來應見宰官身。諸公有類隨陽鴈。此老方爲透網鱗。環轍已償行去腳。擁書更結未來因。石湖雖有閒風月。誰許深藏寂寞濱。士伸知己近來無。得此吾慚上大夫。酷愛新詩成異遇。每於廣坐語諸儒。既紆北顧思歸矣。聞返西州有是夫。便欲挈舟去相訪。推蓬邀月夢江湖。

祐上人製紙帳作詩謝之

老來何物是生涯。一榻儵然亦自佳。睡裏山禽弄霜曉。夢回明月上梅花。頗知常侍嫌烏布。未羨先生坐

絳紗最愛灑窗風。雪夜道人施法復何加。

九日

吟懷祇恐負嘉期。不憚登高腳力疲。滿眼關愁淡秋色。長箋入手粲明璣。興來不省風吹帽。醉後何愁酒濕衣。欲和藍田無好語。笑接黃菊帶香歸。

石菖蒲

十年夢不到丘壑。清坐喜看寒瘦姿。玉立一峯森黛色。虬蟠九節漾風漪。涓涓月露欲生處。漠漠溪雲未散時。卻笑輕狂桃李眼。瞿仙風韻不能窺。

山行

瘦藤慚愧肯相攜。不怕微茫雪意低。晚照荒荒迷遠岫。濕雲漠漠度前溪。雖無酒力禦寒色。且向梅花覓舊題。漫說玉堂多勝事。何如丘壑卜幽棲。

雨後訪田家

一雨及時晴又佳。江村農父話諠譁。旋炊麥飯非常飽。笑指苗田不用車。有眼何曾識朝市。逢人只喜話桑麻。此間勝有漁樵地。容我旁邊著一家。

病中和蔡堅老

老去光陰苦不多。孰堪疾病數驅磨。也知溪上春光好。奈爾牀頭藥裹何。日永茶甌頻索喚。睡餘詩眼旋